

成安縣志

文學

樊正域字海截自幼聰明穎異入泮後督學李光地奇其才選爲貢元後李遷本省督憲又提至蓮花書院肄業凡六經與義以及諸子百家俱頗有會心至戊子科鄉薦登辛丑科進士選授富民縣知縣以清慎勤行取陞戶部主事又陞員外郎遞因病告歸二十餘年杜門不出卽鄉黨多有未識面者本府太守吳谷舉鄉飲大成安縣志

卷之二 文學

壬戌續修

賓復贈匾鄉國達尊四字以風士庶貢生樊倫杉授通州訓導乃其子也

朱鳴字岐音號雪巢氣體清超爲文仿韓柳歐蘇詩詞歌賦亦各有體裁一時推爲宿學督學李經茲邑請至館訂論古今辨晰名理督學傾耳因推重之曰乃前輩先生癸卯歲領鄉薦所著有雪巢吟

斯方升字旭輪貢士也居井漳堡村前修志採縣學貢士名國璽卽方升父也治喪事悉依文公家禮不從俗

習方升暑父喪俱如其父三年不入內舍負郭設塾不計修金貧者且資給之屢賓於鄉邑侯折節與交從不干謁馬公獎之曰有高士風

樊灝字望子邑貢士性聰敏博學工文監生董晟開設義學以灝爲師來學者有成安磁州邯鄲肥鄉廣平臨漳魏縣七處人歷二十五年成就諸生二百餘人

武濯字漢水號千柳以善講五經名世四方來學者甚衆於城東沙河村植柳千株置亭於其內題曰千柳亭

成安縣志

卷之二

文學

二

壬戌續修

朝夕吟咏其間邑侯馬昇慕其高志贈以經學鴻儒匾額

朱京字會極號守一嗜學不厭家貧夜讀無油嘗點蠟香照字邑侯朱聞而助之膏火年十八入庠寓讀於鳳凰臺就其切磋者十八人後皆爲知名士同榜陳均其一也儒學鍾延爲西賓門人鍾光序同登庚午鄉榜三上公車皆呈薦不售因嘆曰命也乃不復言塲屋事設教於樂育堂謹言行嚴操守足述不履公門邑侯李內

翰能嘗造訪焉而稱爲滄臺滅明

朱章字大文聰明過人以家貧十四歲始讀書受教於兄三年卽能文十八歲入座二十歲食廩餼南遊遇同人授以元燈歸而肆志焉不解衣者三月默然有悟說書不蹈前人講義但玩白文自與吻合衡文得失無或爽者乾隆十七年以恩貢京師

楊毓靈字蕊輝號東園前明辛未進士楊調鼎之裔也幼而聰慧中丙子副榜乙酉舉於鄉同榜郭文銓其門

成安縣志

卷之二

文學

三

壬戌
續修

人也歷任香河大成教諭旋秉祁州簿吏目凌辱庠生靈曰斯文掃地矣須教官何爲遂白之學憲生員獲直閤學無不敬服後卒於官諸生執紼送者百有餘里

郭文銓字中選號野塘郭家村人善文工詩乙酉舉於鄉諸生遊其門者甚衆後授豐潤縣教諭

牛體仁字會一號蘭溪漳河集人五歲失怙六七歲卽知讀書家貧不能延師其母文安縣貧郭舉人歷任濟

寧州知州高令樹之女少知書口授小學論孟內則諸

爲鄰人增生師相愛其器不束修而教焉十七歲入泮
成貢 恩科舉於鄉彙硯爲業遊於門者甚衆

趙廷儀字文甫縣學廩生北漳堡人也性嚴正喜讀書
七歲夢交閩書聲卽訴於母馮氏而求學焉入庠後設
帳於家立訓先德行後文章課文以大家爲骨時文爲
肉及門有過雖長亦莫楚加之從學成名者二十餘人
成邑稱嚴師焉

朱竊字璉若品行端方博極羣書家訓嚴肅教子讀書
成安縣志

卷之二

文學

四

壬戌
續修

不容少有意忽訓迪生徒務令各成一體以貢選授沙
河縣訓導嚴道範趨向謀士有法邑士皆謂得師範
焉三子俱以貢顯

朱世瑞字輯廷號拙存天資超邁讀書五行俱下精書
法善吟咏落筆數千言立就未嘗加點以弱冠補弟子
員時負笈蓮池共筆硯者咸推爲河朔冠冕辛酉科選
拔遊成均大司成錢每與語輒歎曰先輩元燈於斯未
墜後竟屢困棘圍遂絕意仕進然性好獎勵後學一時

從遊者甚衆咸得其傳爲文皆莊雅可觀後銓選安嶺
廣德州州判以年老未就所著有候蟲吟志忘隨筆拙
存詩鈔諸集

朱世瑗字念蘊賦性狷介子然自守尺寸不踰爲諸生
時妓城市喧囂遷於鄉隱居教授一時生徒沐其化皆
能立身砥行爲端人終其身未嘗至公庭惟接人以和
絕口不言世事家愈貧而學益方後舉明經無意仕進
一時重之有苦節可貞之論

成安縣志

之二 文學

五

壬戌
續修

成安縣志

節孝

都氏安起良妻年二十九歲夫亡守節至八十一歲縣令馬晃表其門

王氏劉潛妻年十九歲而寡撫孤守節至老縣令馬晃表其門

池氏苑成維妻母家邢臺縣一日歸寧路過安有民欲

污之歐傷額顛眼誓死不從投井死雍正五年 題旌

成安縣志

卷之二

節孝

壬戌

續修

王氏邑庠生楊宏猷之妻夫亡姑一日雙瞽氏奉事盡

孝撫子芸以義方好施予捐貲五百金修本縣儒學雍

正十二年 題旌建坊

馮女馮秉信之女許字陳洞未及于歸洞亡即往哭之

絕粒而死雍正十三年 題旌

侯氏劉其清妻年二十三歲夫亡祖姑劉氏八十三歲

氏守節孝養乾隆二年 題旌

崔氏程爾明妻同里有程偏子老伺氏獨居以誠言挑

之氏嘗罵不從羞忿自縊乾隆二年 題旌

高氏奉法才妻法才他出鄰人申一小突入欲汚之氏

堅拒之投井死乾隆八年 題旌

朱氏安辰妻年二十四歲夫亡遺孤甫二月守節撫之

成立有司聞之 題明旌表建立節孝石坊

侯氏劉奇清之妻賦性聰敏少習女經四書及列女諸

篇年二十夫亡守節至七十餘歲邑侯趙元祚聞而旌

表焉

成安縣志

卷之二

節孝

二

壬戌 續修

秦氏任燦妻年二十歲夫歿無子姑多病織紡奉養年

六十而卒邑侯 匾其門口貞節

靳氏監生霍純禧妻年十七歲生子景堯甫三月夫亡

撫養遺孤年七十有二邑侯徐 表其門口節並松筠

張氏儒童陳郎之妻年十七于歸月餘夫中煤毒而死

氏即誓以身殉翁姑痛哭勸諭氏遂毀容截髮納夫棺

永無一志年五十六歲奉文 題明旌表建坊後不期

年而卒

嘉慶督學呂

表其門曰孝行可風

暴氏劉作楫妻年十九歲夫卒事孀姑撫弱子乾隆十

三年奉有司

題表建坊

郝氏姜中選妻中選幼失恃事繼母如事生母及中選

歿氏堅持苦節督學沈

旌以貞松慈行

郝氏生員廉楷之妻性和順有節烈楷病氏曰汝死吾

即從汝死楷歿歿後歸寧即還俟子安寢從容自盡督

學旌其烈載藝文

成安縣志

卷之二

節孝

四

壬戌續修

厲氏監生任澤厚之妻自二十三歲守寡遺一子瑯撫

之成立娶本邑劉氏後瑯亡遺一子長毓桓次毓楠桓

娶臨漳縣劉氏楠娶磁州張氏楠婚後夫婦即亡桓亦

不逾年而卒劉氏方二十四歲三世孀居督學贈曰一

門苦節

王氏內閣官生樊倫楷之妻二十歲守寡奉養翁姑克

盡婦職堅守苦節督學表其門曰玉潔冰清

胡氏宋儀之妻自二十歲孀居撫幼子成立守節五十

餘年

王氏余之信妻姑病屢藥不效乃割股療之姑獲痊無恙

李氏馮貴妻夜被火四鄰奔救氏以裸體不肯出其夫赴火援之終不出竟焚死

李氏朱萬妻年十七歲夫亡遺腹生子撫之成立守節四十八年

王氏監生郭璽妻年十九歲夫亡子甫數月矢志守節成安縣志

卷之二

節孝

五

壬戌續修

撫孤成立嘗有盜夜入其室氏攜子執利刃叱曰此寡婦家也賊不敢犯其膽識如此里党由是愈敬而重之焉

姜氏王秉思妾年二十五歲秉思亡姜守節撫育孤子

璋長成娶婦邵氏年二十一歲璋亡邵亦守節姜年八十一歲卒邵八十二歲卒

李氏監生陳肱妻年二十一歲夫亡守節至六十一歲卒

馮氏周繼穆妻年十八穆歿遺腹生子撫之成立守節至老

任氏任明哲妻十九歲夫亡撫孤守節至七十六歲而終

劉氏庠生秦宏基妻年二十歲夫亡守節撫孤翁年七十餘歲病卧不起氏奉事數年孝謹脩至里黨莫不稱之

梁氏黑煒妻年二十一歲夫亡撫孤守節至六十八歲而卒

成安縣志

卷之二

節孝

六

壬戌續修

趙氏韓淑文妻年十八歲夫亡遺孤甫數月撫之成立守節至老

王氏翟處仁妻年二十六守寡遺孤甫七月撫之成立守節至六十歲

閻氏任世傑妻二十一歲世傑病故閻氏守節至老卒

侯氏李本立之妻年十八歲而寡守節至老

王氏安澤妻十七歲夫卒遺腹生子翁年七十餘
卧五年侍奉湯藥辛苦備嘗至八十餘歲卒

王氏溫縣徵妻十九歲夫亡守節至老

任氏郟祥妻二十二歲夫故守節至老

王氏王特拔妻室二十八歲夫亡守節至老

李氏靳君好妻二十歲夫歿守節至老

王氏王之瑞妻二十三歲而寡撫孤守節至老

侯氏庠生王之璧妻二十五歲而寡撫孤守節至老

成安縣志

卷之二

節孝

七

王氏
續修

康氏劉復起之妻夫卒時氏年十八撫孤守節至老

馬氏王源浩妻夫故氏年二十有一遺孤尚在襁褓守

節終身以上錄府志

張女名存姐十七歲被人調姦不從自勒身死乾隆五

十四年奉題旌表建坊

朱氏秦廷選妾因被人強姦不從立時殺死嘉慶四年

奉題旌表建坊

丁氏監生張作桃之妻監生張文標之母也二十一歲

夫亡標尙未盈週不逾年翁亦亡氏上事孀姑下撫幼子年五十四而卒

以下七十二條邑侯孫培曾俱賜匾旌其門

遼氏監生陳其腺之妻年二十三孀居一子僅四歲事翁育子終身勤儉親族稱善焉年七十而卒

張氏童生吳瓚妻二十一歲夫卒子女俱無守節終身

程氏宋之屏妻二十歲守寡子廷樞始八月至乾隆五

十五年考中 恩貢時程氏年已八十餘歲其子有

視母壽詩云八十年華世所稀而今且喜得慈幃愧無

咸安縣志

卷之二

節孝

八

壬戌 續修

甘肅調三鼎剩有會孫繞四圍百里何妨負仲米一庭

常得舞萊衣堂前菽水承歡日遙望南山鸞翠微

武氏霍維周妻姑病夫亦病氏事兩病人始終不怠後

夫卒遺二孤艱苦備嘗事姑養生送死無不盡禮八十

歲學宮獎之八十二歲而終

李氏監生霍藩周妻裴氏其子生員思明妻李生思明

未週而夫歿李年二十思明故裴年二十有三無子女

姑媳堅志守節李卒年七十三裴卒年八十

李氏趙元善妻年二十二夫卒守節至老

秦氏樊士元妻年二十三夫亡撫子守節至老

王氏李五鳳妻十九歲夫亡守節至老

李氏程掄元妻年二十七歲夫卒無子奉姑守節至老

吳氏李彰先妻夫亡遺子成甫八歲成娶曹氏成亦亡

吳撫媳至七十五歲而終

鄭氏李庭標妻年十九而寡一子僅六月其子至二十

餘歲而亡其孫至二十四歲亦亡氏卒年八十二

成安縣志

卷之二

節孝

九

壬戌
續修

馮氏葛名起妻年二十夫亡子僅週歲守節至老

王氏李作林妻二十三歲寡居無子至七十餘歲而終

于氏梁文煥妻年二十五夫卒氏欲殉姑泣曰汝死吾

一人何人奉養氏乃止姑卒翁又娶張氏性悍氏委曲

奉養張亦感悟四十八歲而卒

徐氏于旭華妻十九歲夫卒家貧撫孤守節至老

王氏節其李妻年二十三夫卒織紡以奉翁姑撫幼子

歷四十六載

吳氏崔見龍妻年二十四夫亡守節至老

張氏安綸妻生員爾端之母也二十三歲守寡翁姑俱七旬餘爾端甫六月歷四十餘年而卒

侯氏李雲妻二十二歲夫亡八十六歲而卒

王氏生員趙鳳翔繼室劉氏鳳翔弟鳳閣妻張氏鳳翔孫銘妻鳳翔死遺二子含珪含琮俱幼鳳閣又死無子王以季子琮奉劉同君守志初氏翁生員麟性嚴峻動繩家人以禮法玉劉事之咸得其歡以迄喪葬無少

成安縣志

卷之二

節孝

十

壬戌續修

間嚴督二子皆補博士弟子閣學紳士舉王氏督學莊旌以匾曰松筠勁節後復欲舉劉劉曰吾嫂舉卽吾舉也堅辭之琮於劉亦善承色笑母子若忘其爲繼嗣者珪子銘年十八娶張氏僅一載銘死遺子甫彌月張年十八上奉兩祖母下撫藐孤誓三十年成完節而逝郭氏于大章妻十八歲夫亡遺子鶴甫一歲氏欲矢志殉夫因子未成立乃止及子完婚之後遂自縊

張氏張大奎妻二十二歲夫卒守節至老

李氏侯建功妻二十四歲夫歿事姑撫孤守節終身

郭氏監生劉文成妻二十五歲夫卒守節至老

蔡氏段大成妻康熙辛丑科進士樊正域之孫女年二

十二守節無子同孀弟妹撫四齡孤子年六十而終

張氏郭子齊妻年十七夫亡乏嗣撫胞姪名爲嗣子訓

孫紱麟入泮年六十而終

王氏郭履乾妻二十歲夫亡矢志殉夫翁姑勸曰死者

固可痛我二老可驟舍乎氏乃止越三月遺腹生子名

成安縣志

卷之二

節孝

十一

王成續修

峻王事親恤孤鄉黨稱孝慈無異詞卒年八十

陳氏李登苞妻十八歲夫亡守節三十八年而終

宋氏王觀會妻十八歲夫亡守節歷年五十有餘

師氏童生逢襄麟之妻年十七孀居子女俱無事舅姑

生黨咸稱孝婦無異詞至七十七歲而終

黃氏生員邵倬之妻也年二十夫亡無子守節至老

李氏邵倬妻生員邵居正之好也二十二歲夫亡居正

甫五齡既長娶任氏後亦亡任氏方二十二歲乏嗣姑

媳堅守苦節李氏七十歲而卒任氏現年六十六歲

王氏監生鄧傑妻二十四歲孀居姑屢病氏左右扶持朝夕不離親操織紡以撫孤子現年六十五歲

程氏溫際泰妻生員溫獻麟之母也二十二歲孀居麟甫三歲孝事舅姑黨里稱之現年六十九歲

遂氏江華縣知縣遂綢之女黃元士之妻年二十孀居乏嗣翁姑俱老事之較夫在更殷現年五十一歲

晉氏梁堂妻二十一歲守寡子女俱無其胞姪襁褓時

成安縣志

卷之二

節孝

十二

壬戌續修

卽時恃氏撫養不啻己子現年六十一歲

蔡氏王法周妻十九歲夫卒越七月獲一子氏上事翁姑下訓幼子現年五十三歲

井氏王新甫妻年二十二夫死奉姑撫孤現年六十歲

馬氏儒童王麒妻夫死氏十八歲姑老子幼氏紡織孝

養現年六十六歲

張氏米粟妻夫死年二十四姑老子幼氏養誨繼殷子

娶董氏年二十四而死董年二十六遺一子董永漿不

入口者三日張勸曰爾當法我董方飲食張已沒
年六十九歲

唐氏儒童馬克溫妻年二十夫死立志殉死族婦交勸
乃止現年五十三歲

李氏郭範安妻二十五歲守寡子甫四歲以紡織奉侍
翁姑現年六十八歲

韓氏王行中妻十九歲夫卒乏嗣欲以死殉其姑泣勸
乃止現年六十五歲

成安縣志

卷之二

節孝

十三

王成
續修

王氏賈繼堯妻二十一歲孀居無子事翁姑鄰人咸稱
其賢現年六十七歲

喬氏閻起家妻二十歲孤苦守節現年七十九歲

鄭氏張光妻自二十二歲守節現年八十歲

陰氏吳嗣戴妻年十九夫亡撫孤現年五十五歲

孫氏段大章妻二十一歲守節現年八十歲

韓氏段懷吉妻二十二歲守寡現年六十歲許氏段擇

吉妻二十三歲守寡現年六十五歲

潘氏李逢辰妻二十二歲守寡現年六十七歲

張門許氏二十二歲守節現年六十有餘

郭氏趙士儉妻二十四歲守節家貧奉翁姑以孝聞現年六十有餘

靳氏許士璧妻二十歲夫卒撫孤守節現年七十歲

李氏王燦妻二十歲守寡生子僅一週越三年姑得癱症氏親事湯藥九年現年五十五歲

朱氏王成妻二十三歲守寡子元吉甫二歲與兄嫂同

成安縣志

卷之二

節孝

十四

王成
續修

嬰後兄嫂沒遺三子俱幼產不足人勸氏析居氏曰姪未成立而析居不義撫育與已子無異十餘年三姪咸爲之婚配皆氏經營也現年六十二歲

張氏薛某妻十六歲孀居無子現年五十一歲

宋氏侯士欽妻生員侯錫齡之母二十四歲夫卒姑有弱疾氏奉養無怠及姑卒典衣治喪現年七十五歲

高氏趙國珍妻監生趙玉明之母二十二歲守寡明甫二歲事親撫孤現年六十七歲

申氏郭溥妻二十三歲夫亡撫孤守節現年六十二歲
李氏宋大緯妻二十四歲夫卒現年八十二歲

陰氏李文真妻夫病危謂曰汝年少吾死汝之終身何
處乎氏泣下曰願從夫死其夫曰家貧母老女方三歲
汝死吾母女將誰依及夫亡氏年二十一歲卽謹遵夫
言矢志冰潔現年五十八歲

程氏李能燦妻十八歲夫亡孝事翁姑現年六十七歲
袁氏朱敬妻二十二歲夫亡事翁姑撫幼子克盡孝慈

成安縣志

卷之二

節孝

十五

壬戌
續修

現年七十三歲

李氏李玉重妻二十四歲夫卒現年七十一歲

尚氏郭鎔妻自十七歲孀居矢志冰潔歷四十載如一日
現年五十八歲

王氏王達妻監生王尊德之母二十六歲守節現年八
十一歲

趙氏生員王孟德妻二十四歲守節現年六十八歲

李氏王智妻生員王儀則之祖母也二十二歲守節現

年六十五歲

張氏王敬修妻二十二歲夫故撫孤守節現年六十歲
程氏李介妻生員李含章之母十九歲夫歿遺子甫三
月子長娶高氏入泮後旋亡氏現年六十一歲

張氏霍崇倫妻生子力耕甫三歲崇倫身故氏年二十
歲姑老疾家計無資氏惟紡織奉姑子既長娶妻亦張
氏子旋亡姑因思子雙目失明氏每禱神佑至十八載
姑目復明如故氏現年六十一歲

威安縣志

卷之二

節孝

十六

王成
續修

成安縣志

藝文

原縣

明陳裴



六國趙時縣有成安名趙王歇因以封陳餘為成安君
非先封而邑後名也訓者曰成善也平也安土也定也
若邑之可稔而安居也然是邑一號斥邱漢書謂地多
斥鹵故云水經謂城南有赤邱因邱以氏縣嗚呼惟其
赤所以斥也豈盡成且安哉禹貢稱冀州厥土惟白壤
厥賦為上上今稱赤而且斥乃地利之不同歟抑人力
之未盡與觀之揚州厥土泥塗厥田下下而今為沃壤
之區謂非人力之勝地利耶牧土者能轉斥而為沃壤
惟治成而民安亦名成而身安

成安縣志

卷之二

藝文

壬戌

續修

開漳河故道議

郡人

王今遠

天下利害之故有出於人事之外者總前後而稔籌之
而其說乃立於無可易因物之性順土之宜謀於其始
而慎而勞庶不虛規於其利而多而終乃無悔此非可

以不習之情形泥一成之意見也按水經漳水之出
二其一曰清漳出山西沾縣之大黽谷一曰濁漳出
西長子縣之鹿谷山派分流合入河南武安黍窟谷而
爲一水性湍悍迅急挾沙石沮洳以俱下嘗其衝者高
岸爲谷深谷爲陵蓋自鄴以北土疏而地衍無山險麓
阻以東其勢無川窪澤滙以瀉其威泛濫浸淫惟其所
向故中間若臨漳列入斥邱數被沉災披圖可索也比
年以來全漳入衛下流有歸始無橫噬之虞而廣大二

成安縣志

卷之二

藝文

二

王戊
續修

屬尙不免小有遷徙如成安以數里之塞而魏縣遂改
北而之南則故道開濬之說誠不可不急爲講明夫魏
邑以孤城逼水隘城之背則大河而其面則支派也每
當夏秋泛溢兩水分注水落之後則南河復涸而以北
河爲經流今忽併滙而南無隄岸以固之無溝渠以洩
之陘山沙礮之塲將不免澤國之憂於是勞數里人工
復數年故道計之得宜宜無踰此者雖然此正不可以
無慮蓋凡爲開濬之談者謂故道不遠祇以上流梗死

取而濟之自復其常耳顧未識所云故道者其賈惟
績之舊與柳水勢靡定漸移漸啗於此稍久因而日之
者與考漳水自西門豹史起韋景駿後歷唐宋以來享
其利者數世非怒之於古殺也其時逼附黃河有巨瀆
以畜之故獲所注而不遺耳迨至黃水南徙而平于天
雄二郡遂爲衝漳之窟宅歷考郡乘所謂古漳河者更
僕數不盡大抵今城南決明年北移今曲周廣平肥鄉
諸處村里民居淤填及半椽額柱棋有僅僅可見者當
成安縣志

卷之二

藝文

三

壬戌
續修

其漫溢蓋壅齊而炊編木而巢幸而陽侯退舍而一石
水已餘五斗泥嚮者通流順適之地渺不可問矣當是
時豈無故道可挽而相視而莫救則勢不可也水之性
地之宜實有出於人事之外不得不總前後而稔籌之
也且夫計水之利害者當因其勢而順導之况漳之爲
水又非可與凡水並論今日之故道卽往日之新河徒
以下流稍通是以無疇昔之害如今挽而逆之水之所
趨障之使歸水之所舍強之以入挑濟之後保不復淤

滯乎淤滯之後可不再挑濬乎去則煩畚鍤之功來復
成平陸之地數數然伺水之間而奪之流而卒不勝也
不幾於勞而罔績乎且何不用之全漳入衛之先不用
之曲周廣平肥鄉之舊也則人事之無權昔之人固知
之也然則其在於今計惟有疏而瀹之耳水之所欲卽
以予之而爲之寬其地利其淤使之暢流就下而已矣
昔江夏陳鑿之議固已及此此則事之可行者倘必曰
故道之尋漳之爲漳其能屈曲以從人哉夫瓠子之塞
河復舊道然當其時特決而出耳而故道未嘗壅也宋
時六塔之議斤斤故道而迄無成功黃水關天下之大
計而不能舉天下之力以回之也則漳河可推也是固
利害之數也

成安縣志

卷之二

藝文

四

壬戌
續修

重修學宮記

督學吳應葵

成安地隸邢畿舊建學宮爲漳水所圯僅存基址邑令
徐君時作捐俸重葺而教諭鍾驥悉力經營庀材董役
無種具有方法余督試廣平特赴成邑見廟廡規制漸

而工力殊艱屬諸生共加擊畫紳士好義聞風
各爲蠲助于是堊簾畫拱照耀琳琅向之菑翳榛莽
屹然成鉅觀矣夫學校之興廢實於有司政績相關如
唐之處州刺史李繁宋之袁州牧祖無擇穀城令狄栗
慈溪令林肇皆以創葺廟學聲問彪炳史冊推爲循吏
有視教學非急務諉諸一二學博而爲學博者或苟簡
頽挫縮手坐觀教事遂以不振今徐君克知政治本末
爲邑中紳士率先汲汲惟修舉廢墜是圖教諭鍾復能
均心一力相與有成爾多士仰宮墻之巍峻觀車服之
輝煌揖讓咏歌粹然標醇儒之選他日登朝拜獻敷布
事功自政教非二途發舒優裕余式憑輶軒來訪善俗
得拜手而慶盛化之久道化成不亦幸乎是爲記

栢寺營重修關帝廟記

容城舉人孫奇逢

侯生於漢季山右之蒲州與昭烈桓侯義結桃園歷艱
難險阻流離顛沛者不知凡幾三人至死而盟愈堅誼
遂覺絕千古人無論智愚賢不肖莫不仰軼之威靈歎

而畏之即素稱訶佛罵祖者獨於侯肅然歛容罔敢輕慢余家自祀祖考外無別奉獨有侯小像一軸歲時掃屋清几懸而莊事之後見鹿太常善繼家亦懸侯像每有疑事告虔請質應如響因爲予言行造其極之謂聖伯夷一清字足色遂爲聖之清伊尹一任字足色遂爲聖之任柳下惠一和字足色遂爲聖之和侯平生所知惟義之一字故云日在天上心在人中試觀一生行事自桃園起家以至樊城畢命無一事不秉義而行豈無

成安縣志

卷之二

藝文

六

壬戌
精修

過中之處然無迴護無掩飾正如日月之食皆見皆伺所謂仁中過智中愚其足色處正是其証聖處耳聖而不可知之之謂神千古英靈久而愈著者總皆義所流露煥發誠不可掩正如此余曰古來名將守義如侯者不少而聲靈赫濯莫與京焉即如堯舜禹文周孔其生安至聖與天同體同用而以問之愚亦有所不知何也善繼曰至誠如神顯微無間不必赫濯不必不赫濯古來名將豈以沒無威靈滅生前聲價然侯之愈彰顯於

沒後者人謂其以火帝遇又明而發或亦其遇會之適
然者與至若堯舜孔子則猶天也仁義禮智皆四時之
使而効靈於天者也天之體不可見而効靈者則燿燿
人耳目之表然至聖之昭露必借五德爲發皇故論俎
豆宮墻之真脈絡斷當以忠孝節義一流人爲配饗尼
山志在春秋史稱侯喜讀春秋千秋大義獨得其真卽
以侯爲聖之義亦可余服膺此語三十年庚寅暮春過
成安南十五里許之栢寺營訪李生童童太常門人也
其友王元鏞謂其鄉偕有侯祠三楹拜厦如之門以內
僧舍三間年深傾圮茲重修僉議立石以垂永久因問
記於余余思侯之生平大節古今昭然奚煩贅頌第述
與太常善繼語以告屢於侯并贊之其鄉紳士父老

思安堂記

邑侯趙元祿

成署一堂久圯且無廂房形勢散漫弗束余修而新之
泮翼各建三楹大堂後添門一座以謹出入氣爲之固
題曰思安堂蓋因成安而假名思義也安之難也自謂

已安則必有不安者矣邑雖彈丸不下萬戶士習於浮
而無實學則不安民習於惰而無恒業則不安工習於
僞商習於欺而以虛情相往來則不安鼠牙雀角涉於
耳而聽斷少偏夏苗稂莠淆於目而是非罔辨催科不
善而刑罰不中則不安祈寒暑雨之怨咨餒腹凍肌之
無告雀影犬聲之竊發耰鋤機杼之或擾以及水旱災
傷之偶逢有一於此則皆不安然則坐斯堂也可不思
乎思所以喚咻之思所以禮席之思所以變化之思所
以薰陶之思朝夕納吾赤子於方寸中而惟恐其不安也
則庶乎成其爲安然而難矣可不思乎此堂之所由名
歟

成安縣志

卷之二

藝文

八

壬戌
續修

化兒店義學碑記

邑人朱 京

學校風俗人才之本古者春秋教以禮樂冬夏教以詩
書雖有選士俊士造士進士之不同而莫不由鄉誠以
鄉學者教化之始基也方今道隆化洽自京師以及郡
縣衛所

朝廷既皆爲設立義宮以爲養育之地卽下至有力之家亦莫不敦請名儒以訓其子弟而僻壤窮鄉延師而力有不足卽聯屬數家共出館金亦時興時廢而不能傳諸久遠於是乾隆十一年劉中合志同謀建立義學而縣父母亦樂成其事共捐地四十畝至明年之春建房三楹教學有地則子弟之耳目心思不奪於外誘而日起有功數年之間入黌序者已有數人從此而更歷年所薰陶日深人才益出風俗益淳家皆孝子悌弟士悉成安縣志

卷之二

藝文

九

壬戌續修

有敵有爲無不可預爲卜之惟願後之人守而勿替也是爲記

李公禁約碑記

碑在北漳堡村

邑人趙廷儀

循良之政莫先養民養民之方不皆創作惟因民之所利而利之相其土性時宜觀其民情習俗以去其弊以善其規以承其法律勿壞而已成邑北漳堡等村土多沙性惟利木棉木棉之爲物經霜降而苗斯老屆立冬始完故十月之候地主司其藎貧民拾其遺此亦

自然之利民物自然之情也近年來拾花陋習
甚一歲致地主不獲其利 國計民生幾無所措矣迄

乾隆丁酉九月初旬附近村落男婦蜂屯蟻聚覆瓦
標於筐篋藏刀斧於囊橐來如擁壁其鋒莫當守望者
皆辟易數里習俗之弊將伊於胡底哉噫俗本善而有
弊者規之未善也規已善而仍有弊者法之不永也我
邑侯於各鄉具稟之時委員差役嚴拿懲究旋復親臨
彈壓則預先閱捨之弊去矣傳檄懸書十月初一日視

成安縣志

卷之二

藝文

十

壬戌
續修

收獲完否方許拾遺則獲後檢拾之規善矣又恐歲久
不遵立約示禁命勒石以垂久遠則十月拾遺之法永
矣斯時承侯之命以勒於石者生員霍錫李玉章也而
索記於余以頌侯之德余曰蒞斯土行斯政養斯民謀
天地自然之利酌民物自然之情一爲之樽節善良者
安貪頑者化侯之德也且嘗閱磁州志見有所謂閭閻
龍水田記開口記其關於養民之政者指不勝屈成安
志所載前明者創立書院無是說矣而關於厚民生於

化源者已有故事記丈田記學田記異日有來牧成
留心實政纂修邑乘者於創建僧會司重修說法堂
築鳳凰臺以及無關祀典之諸廟記忽續而標之曰禁
約碑此其孰得孰失必有能辨之者余豈作佞詞以媚
侯耶亦不過記其事記其人以勿壞此法已耳爰濡筆
而爲之記曰禁約拾花邑侯李公也公諱國麟字魯言
壬申科進士安徽懷寧縣人

馬節婦文

邑侯李聯璧

成安縣志

卷之二

藝文

十一

壬戌

續修

余嘗博覽傳記遇有忠孝廉節可爲風化之助者輒流
連感歎編爲詩歌以風諭鄉曲我

皇上御極之三十有一年余授成安令適有紳士朱世瑞申

自天等以節孝來告於予曰邑東沙河村有馬母張太
孺人故太學生馬龍圖之配今太學生馬琰之母厚德
含貞清姿標潔早歲輟悲鴿寡鳩力事姑寒香頻盡
灰苦心訓子陡當女事初棺之無悔婦也如兒
際危時以恃以怡之兼資母分即父茹荼蓼者三十七

新傲霜雪者六十一年對五夜之機絲類施朽柚
門之牖戶屢費縹緲持家而事各有條睦族而恩周舉
火古所稱女中丈夫非耶余聞之感歎以爲是乾坤正
氣結成忠義之花家世清風吹出孝慈之誦表厥里居
樹之芳聲固其宜也會逢軒猷戾止賜節孝可風四字
以旌之出予宇下實予之光也能不褒揚以爲鄉愚勸
作歌曰相夫子兮先代是程事舅姑兮色養以終三十
七年兮苦雨酸風六十一歲兮翠栢蒼松製被剝薦兮陶
成安縣志

卷之二

藝文

十二

壬戌

續修

孟高踪允熊畫荻兮歐柳芳型然而甘節吉苦節商蓋
爲優柔而平正兮是乃得乎中庸什見魚軒而象服兮
將獲邀乎

竹之榮丁亥仲冬余不辭固陋恭作是序亦賞善勸民之
一政云爾

馬節婦文

邑侯孫培曾

竊謂閭閻流芳順從爲義母儀爲訓節孝爲先所以樹
之風聲用勵鄉閭之化表厥宅里聿昭宏獎之休堪

草素以揚徽亦附官形而誌美沙河
乃已故太學生馬龍圖之配太學生馬球之配今邑
厚勝生馬騰雲之配母也青年勵志自首完貞矢靡他
而之死知如此而無生歷六十一歲之春秋相舟航節
易三十七年之寒暑井水盟心薦蘋藻於慈姑委繡餘
營生之策授經書於弱息荻灰驗教子之勤孝行與節
義同堅苦雨與凄風並咽陳孝婦之養姑以孝學有殊
與趙貞姬之守志終貞無以異也以故名稱嘖嘖今與
咸安縣志 卷之二 藝文 十三 五
洋洋閭里增輝久被 憲臺之旌獎芸編紀蹟留遺
邑宰之光榮賞善有同心還自恨嗣音之晚旌門及賢
媛聊以當化理之資茲值歸窆之辰用採巴詞以贈
作歌曰憶閭範兮苦節可風仰婦德兮懿美是程松筠
著節兮三十七載之芳踪冰霜矢志兮六十一年之
型將見如綸如綍兮宜膺

之褒命更歷千秋萬歲兮永垂簡冊之令名

成邑

文廟座落城內東南地勢低窪土脈鹹濼創建年久而水淋漓殿宇滲漏墻垣傾頽嘉慶二年曾經前任譚公倡舉興修設法勸捐商同儒學余公遴選紳士遂續等十二人督理興工甫經籌辦旋因丁艱卸事陶公接署僅將大成聖殿修整亦即中止予於二年仲秋任事查勘情形計工

雖屬浩繁理當竭力全修庶無殘缺參差可以伸誠敬而壯觀瞻詢諸紳士無不踴躍樂從遂令紳士遂續等

成安縣志

卷之二

藝文

十四

壬戌續修

循舊經理購料鳩工以董其成予亦不時親躬指示督率修理迄今兩載以來外則查照舊捐陸續催收內則凡有公項悉行添補茲將前後殿廡門墻池壁祠閣以及明倫堂學署普律增修一體煥然夫黌宮之設原以崇尚儒術而為

國家育養人才也成邑數十年來文風頽靡科第久虛豈斯文之不振與抑學校盛衰之故皆由人事與茲當學宮重新之際固宜敬謹保守加之歲修以期永固而

列門墻之內者又不可不爭自琢磨相與有成上以訓
作人之化下以增學校之光庶幾以引以翼相觀而善
有以鼓舞後學於不替此固賴主文教者之維持於其
際而亦建修者之企望於不容已也

創建聯暉書院碑記

邑侯孫培曾

成邑說法臺縣志所載八景之一也流傳以來傾圮已
久大名道憲王 廣平府憲蕭 過而訪其舊址命
邑侯范公勸諭合邑捐修蓋以古蹟所在未便湮沒也

成安縣志

卷之二

藝文

十五

壬戌
續修

既而築室道謀迄今無成時有近臺陽寺等七村紳士
呈請邑侯免其每歲一切差徭以七村獨任其事遂
准其請用是鳩工庀材陸續興作自乾隆五十九年始
歷任邑侯皆仍舊貫數年雖未告竣亦頗規模粗就幾
復當年觀瞻予於嘉慶三年仲秋來蒞茲士誦知縣無
書院意欲興之苦無布置之方適七村紳士復請南臺
功戒後若仍免其差徭願於臺旁建立書院以作養人
才此意不惟實獲我心且視踵修古蹟更覺切近

其作契欺隱多端以迄事後比前地實

際其時即圖復丈適公以遷官去

公以歎令服闋來泣吾邑時鄉民王輔陳魁賈現李

這等相繼赴愬且稱九年丈少之地糧無著落若以如

則作奸者地浮于糧守法者糧浮于地害無已

唯是仍考嘉靖二年故籍清丈嚴查庶糧得均平民

公聞言太息曰嘻此吾職也于是遂民之情

守郡守諸公咸聽之于時經土畫野定公正董

安縣志

卷之十一 藝文

縱橫置豕則量人展其能方弓勾股則考人繩其

踏阡則坵長覈其數以坵為綱繩量于無坵無漏

與為日日折而無溢坵者皆田數應嘉靖一

在公所丈大畧相符而萬厯九年之意置者今則無所

容其好矣是役也經始于甲申之冬告成于乙酉之春

歲除用民不過數月而除積習之蠹貽永久之利實與

農作用後先一轍則所以慰士民之望而繫百世之

也

成安縣志
卷之二
藝文
十七
壬戌
續修

邑一室舊有匾曰思安堂並疏其義而鐫諸屏蓋前
邑宰趙公所留也其意以爲邑名成安必先思其何以
安而後可期其成此亦顧名思義之意也用心善矣予
竊更有所見焉夫臨民者知其不安而欲安之則用吾
思焉或當通會縣之區紀綱不振胥吏爲奸風氣多
乖豪強竊發以致窮黎嗷嗷雖求一日之安而不可得
或欲改弦而更張之若何振作若何區畫非思之審而
何以處之當若成邑素稱彈丸之地昔爲淳良之風士
食舊德農服先疇工守高會之矩矱商遵先哲之軌物
卽有鰥寡孤獨流離疾苦之人設院立局各止其所凡
隸吾宇者日用飲食其樂昇平原有其自然之安無俟
爲政者思之而後安也其或有不安者何差徭累之科
歛苦之追呼之吏相望於閭閻苛刻之令興怨於婦子
民其能安乎否耶當此而始閉閣靜思以爲何如則民
安其所以安之者尙未得早無解於民之不安矣使滋
茲士者靖其爾位恪守官箴清靜居心一遵成憲本安

之外凡事之擾吾民者不敢一毫施於下俾民
各守其業共相安於無事之天並不知何爲不安者之
或戕者生也而民之安已喜形於色矣奚用思爲以是
知民自有其安或思之而未必即得不若保之而無使
或失故即思安堂而更署之曰保安堂余以爲思蓋思
其所未然保則保其所固有未然者尙不可必固有者
自可相循也或者曰成邑之安焉知非前邑宰思之所
留貽乎夫彼既盡其思而安已成矣余惟有保之云爾

成安縣志

卷之二

藝文

十八

壬戌
續修

酌定社甲告示

邑侯孫培曾

爲順社以分村庄以定牌甲並重鏡糧事照得錢糧出
於地畝地畝隨乎村庄村庄分爲門牌門牌統以社甲
是社甲以村庄而定村庄以社甲而分事本相因毫不
容亂今查成邑紅簿雖有一定之社甲而無一定之村
庄有同住一村而在數社完糧者有同爲一甲而與數
村相雜者紛紜舛錯無可稽查以致催糧原差不能知
其住址造冊里書反得私爲隱藏拖欠之弊從此起優

漁之弊由此生雖曰舊規實非善政卽如今春蠶運里書李孟蒙等三人侵蝕肥已攤賠累人官項旣受其悞爾等親被其害此皆因紅簿內戶口叅雜村庄混亂無由稽查因循所致也本縣逐細查核自當亟爲更定查成邑共二十二社除河流屯衛二社其過割收除不出本社無庸改正外其餘各社擇其彼此相連之處酌定數庄合爲一社其村庄在此社而糧名在他社者盡行歸回其糧名在此社而村庄不在此社者概行扣除將成安縣志

成安縣志

卷之二 藝文

十九

壬戌 續修

紅簿內按村分甲按甲列各按名註糧秩然不亂入目瞭然蕪花戶無由隱匿里書無由弊混此於地糧爲有益而於爾等亦甚便也合行出示曉諭爲此示仰閭邑紳士庶民人等八年地糧本縣已飭里書查照爾等糧名各隨舊住村庄歸併新定社甲毋庸爾等過割嗣後凡有新買庄田卽照後開社村隨時過割毋得任意攙越倘社甲村庄旣定之後仍踰前轍鈎通里書混行挪移一經查出重懲不貸外違特示

古語有子又生子孫又生孫此謂瓜瓞綿綿非必謂為同堂也及我

朝則每以五世奏

聞者然耳治之而亦未嘗自治焉今

何親睹其人也西彭留村有侯金貴者年八十有八是

鄉耆望其長子統桓年六十有三次子玉桓年五十有

一孫珍生生子未敢必孫又生孫也乃其

曾孫有五次培元十年曰幼而元孫仲

則已誠人瑞也哉而且同堂同居雍

成安藝文王戌續修

睦無家者流豈果天地之太和不知其然而

然然

有以培養乎元氣淪洽乎人心而然與其

而獨出於今日也所謂善政流輝非耶

贊

教諭宋鳳翼

賢後有志苦節堪傷盟心不失大義從一迥軼尋常方

其雞鸞別鶴欲截髮以相狗倏爾魂返神歸輒撫孤而

苟痛惜幼子姑稱未亡畫荻心苦母教恩長爰婚配

至乾隆六十年始徙臨漳中間數十年地畝屢被水浸
道路溝崖尙不能尋其舊址而地形安能今昔相符况
魚鱗册地段果用丈田碑所載之弓而丈之與抑各用
其鄉俗常用之弓而丈之與是皆未可知也故鱗册非
謂盡不可憑而必謂盡屬可憑刻舟求劍見已執矣本
縣謂丈田碑非

時王之制聊置之無徵不信之列而更按照存庫官弓以鐵

鑄之刻石立記鐫其尺寸於左丞爲定式嗣後民間賣

成安縣志

卷之二

藝文

二十一

王戊
續修

買田土或其鄉風有常用之弓各從其便如呈控者概
以官弓丈量以免紛紛滋擾至魚鱗册姑存之以備叅
考可耳是爲記

任毓樟傳

儒學教諭宋鳳翼

余識任君采庭久矣乙酉科朝考遇於旅舍一見如故
有昂昂叔度之風相與語終日正言迥與淫游不根者
別余竊意此百里才也榜後甄別必大器之孰意任兄
與余俱以披砂笑矣爾時采庭謂余曰此小試耳歸里

據篋發書伏而讀之寧有持利器而不奪標者乎焉用
是於是分袂出都門各歸故里而每歷寒暑不禁以不
見采庭爲恨無何歷三十寒暑之庚申歲授成安教責
未至任私喜曰幸矣得遇任兄矣歡然道故依依如前
日事矣孰知事有大謬不然者甫至任謁其門庭人已
云亡詢其嗣有子曰熾字炎生食廩餼邀而進見之崢
嶸之態頗覺可人余嘆惜久之采庭可謂有子矣乃熾
不以余爲淺陋索傳於余因不自揣卽以聞諸都人士

成安縣志

卷之二

藝文

三

壬戌
續修

者質述之任君諱毓棹號雪山采庭其字也與余同乙
酉科拔貢幼穎異喜讀書稍長從邑人朱輯廷游益肆
力於經史下筆輒落落不羣應童子試縣府院三場皆
冠軍學憲莊大人器之欲客諸幕以家貧親老不就後
歷歲科試屢次第一易水冉公司鐸成邑課諸生獨於
任有國士之目年二十七歲拔貢技以後家益貧志益
勵不以困境累心惟以教授生徒讀書爲事非公事不
至宰室嘗夜於隍廟讀書子半不輟結鹿鳴社以文會

友每一稱甫脫輒爲同人許可僉曰接青紫如拾芥也
惜天不假之以壽中年而卒卒之日猶以未竟之志爲
痛而屬其子焉

聯輝書院記

邑人于元龍

書院者作養人材之地也都有金臺省有蓮花府有清
暉由來久矣而成邑之書院則自我侯始考之舊志蒞
斯土而爲民牧者初建不一而足初建之有益於斯文
亦不一而足如華州萊公南昌劉公安仁桂公李公宜

成安縣志

卷之二

藝文

廿三

壬戌
緒修

陽彭公其所以殷勤開導譽髦斯土者皆有所表見而
未聞立書院即署事楊公改社學爲育英書院亦偶然
爾不旋踵而遂廢焉顧孰是於兩學之外別開講堂樹
師長給膏火以大啟鐘鼓如我侯者侯自嘉慶三年來
宰是邑越二年政通人和百弊俱除百廢俱舉獨文運
否塞科第不開侯曰此無他由爲上者作之無其道也
爰建書院於大成殿西准兔魚口等十三村軍需差徭
之費備其地而鳩工焉不一月講堂三間成門樓墻垣

講堂後上房三間東西房六間後西上房三間又東
小房四間皆仍舊貫而補葺之規模既就取聯清隱書
院之義又採五星聯輝之義名之聯輝校考四方生重
月給膏火又自捐金刻篆猶堂靈本數百篇分爲四集
教授生徒此其敷迪開示之功何如耶夫鐘鼓設而禮
教興趨向端而頑愚化上既先以切磋琢磨之方下自
愛其切磋琢磨之益日有就焉月有特焉旋見聯輝清
暉藹藹者遙相映也聯聯五星濟濟者大有成也薰陶
成安縣志

卷之二

藝文

苗

壬戌

續修

漸染有不人交蔚起者乎猶與休哉侯之堂號棗翁其
真有斐之君子乎詩曰有斐君子如切如磋如琢如磨
瑟兮僖兮赫兮喧兮有斐君子終不可謏兮風人之咏
武公也吾即取之以咏我侯侯東萊掖縣己未進士孫
老夫子之小阮也諱培曾字壬鎬乙酉舉人

落幢村文宣廟碑記

邑人于元龍

聖人之教世無弗尊聖人之廟村不概見獨邑之東二
十里落幢村廟貌存焉攷其古舊爲一聖堂今改爲文

巨廟夫真山河光宇宙範圍乎帝王師相忠臣孝子立
人學士而不遺者唯尼父之薪傳為最漢唐以來佛氏
輒興道教亦起遠近村莊建立三聖堂者指不勝屈雖
目並行不悖而儒道於焉不昌我

高宗純皇帝二十有 年詔告天下不許浮圖老子與宣聖並

刻是固三帝三王之謨訓崇儒重道之

實裏也鄉之人多不察徃徃專信佛老或敬禮三清而此村

獨點二一老而尊孔子是雖各州府縣廟祀有常不宜於

成安縣志

卷之二

藝文

廿五

壬戌 續修

窮鄉僻壤數其尊而原其體

先帝之心崇至聖之意俾村中愚夫愚婦幼子童孫皆知敦詩

書重倫紀端趨向防邪淫未始非秉彝好德之一驗也

况廟之規模雖小而春秋祀享翊望掃除不少懈即謂

為周流之旅舍也可生員崔保身之父崔忠傑同武生

李樸等董其事殿三間若干尺垣墻若干尺前留文昌

帝君閣基若干尺求予作碑記予以為聖道難言第就

立廟之意約畧言之云爾

朝太學生王聰文

廣平縣舉人尹

明翁為乾侯望族德行才品在在堪述難更僕數

固陋豈能為文惟設館於茲四年有餘頗能道其一二

因作俚詞曰嗚呼

明老非能識之想像從前彷彿

之一生好學且而久之舉世成家耕而力之雖鮮兄弟

克自立之貽厥子孫靡不植之敬重師儒矜之式之雅

好朋友飲之食之此大端也至於仗義疎財鄉鄰德之

義重恩深家人憚之是非可否分而晰之文物衣冠整

成安縣志

卷之二

藝文

其六

王成

續修

而飭之此又雅量高遠者也為人如此與之交者安得

不生而暱之死而憶之也哉父老曰然吾子之歌誠是

矣身後之稱原當以生前行事實之也愚遂退而筆之

書即以代香帛之奠招魂之賦云

侯氏五世同堂傳

邑人趙禹錫

古語有子又生子孫又生孫此謂瓜瓞綿綿非必謂

同堂也及我

朝則每以五世奏

聞者然耳治之而亦未嘗日治焉今

何親睹其人也西彭留村有侯金貴者年八十有八是鄉耆也其長子執桓年六十有三次子玉桓年五十有一孫珍四十有六是子生子未敢必孫又生孫也乃其曾孫長燬元年二十有五次培元十年曰幼而元孫伸則已二齡矣五世同堂誠人瑞也哉而且同堂同居雍睦無間出於農家者流豈果天地之太和不知其然而然與抑亦我

國家雅化覃敷有以培養乎元氣淪洽乎人心而然與其

成安縣志

卷之二

藝文

二十七

王成續修

元孫不早出而獨出於今日也所謂善政流輝非耶

詩 贊 歌

秋日渡漳河

明 鄒 理

蕭瑟西風古渡頭
淒然芳草幾經秋
鷗飛斷岸天將暝
日落寒江水自流
十里烟霞迷望眼
萬家砧杵隔滄洲
遊人莫慢生新恨
今古無窮宋玉愁

漳河懷古

明 劉天民

雲寒不離水
騰作漳河霧
葭莢脫嚴霜
蒼茫未能渡
斥

成安縣志

卷之二

藝文

二十八

壬戌 續修

幽際廣野望之迴
積素憶昔趙魏時
兵馬日馳騫
公子納遊俠
結轍滿皇路
佐國無定謀
中原徒指顧
享費壯士金
招延詞客賦
豪華坐銷燦
會如草頭露
坐食二千石
化爲萬年墓
哀哉邱中墟
遺蹤遍狐兔

渡漳河

明 張善教

登舟院望石路野
田穿風軟松遮徑
波輕

亦抱烟貧賞東山
寺對人依

明

花柳漫郊弄曉晴春光入眼正分明溪頭小酌啜
馬上停杯物外情野寺何人橫短笛東風幾處聽啼鶯
夕陽回首城南路更喜民謠頌太平

過圓照寺

明 白南金

古渡寒裳至逢僧錫杖還憐而登彼岸借我度迷關鐵
限工書九珠林說法嫻楊枝春正發不許野狐攀

說法臺

白南金

僧自何年去臺因說法存憑虛思往事弔古問空門草
暗傳衣地烟銷乞食村不知龍聽否花雨向翻盆

成安縣志

卷之二

藝文

二十九

壬戌 續修

成安君祠

邑人樊 灝

虎嘯龍驤氣不羣九州鼎沸出塵氛函關已破秦無主
河北迎還趙有君力剪渠魁憑一劍身膺茅土擁千軍
男兒到此稱豪傑成敗何須仔細分

太行遠翠

邑人樊 灝

嶺岫一帶沁遙天雨霽霞橫景外妍逸興恍披宗炳畫
高情笑語伯牙絃黛眉淡碧林邊掃蝶鬢空青鳥伴

聞說當年蔡石髓幾回攜策欲尋仙

漳柳晴烟

邑人樊灝

岸南岸北柳參橫釀得春烟繞
斥城靄靄青迷千樹合
茫茫翠鎖一溪平紫駟嘶處看無蹟
黃鳥鳴時覺有聲
載酒尋芳臨古渡恍疑身罩碧紗輕

法臺霽月

邑人樊灝

岩堯高枕碧雲頭皎皎銀蟾午夜浮
世界三千渾淨土
欄杆十二控清秋評詩無待青藜火
貰酒寧憐紫綺裘
笑指光明呈寶藏更何佳話說南樓

成安縣志

卷之二

藝文

三十

壬戌續修

古塔清風

邑人樊灝

蠶、遙臨北斗平紅塵半點不須驚
飛身直訝三台近
拂袖真成兩腋輕心遠欲追仙客
馭思狂笑與故人迎
倚欄已入清涼界誰賦炎天苦熱行

寇公祠

邑人樊灝

瀆淵不戰自兵銷名震華羹萬里遙
鎖鑰有存驚北使
樓臺無地起南朝平生得喪愁多險
滿腹忠貞老未消

弔古尙尋期會所雷陽漫道竹飄飄

過鳳凰臺

邑侯孫培曾

說法臺西別有臺臺前古栢曉烟開空傳此地仙會到
不見當年鳳又回一片韓陵何處語二喬銅雀盡成灰
太行入望晴空好風送山頭積翠來

贈紳士呈請修說法臺後創建義學

邑侯孫培曾

禪僧到處講玄通留得荒邱漳水東原是說來無着處

成安縣志

卷之二

藝文

三十一

王成續修

何妨臺久盡成空劫塵誰覓傳燈錄金碧重輝面壁宮
寄語皈依非我事育才興學望諸公

創建聯暉書院

邑侯孫培曾

樓閣崢嶸版紙園中分一曲講堂存如何名邑崇儒教
謾使諸生仿佛門關地高迎奎宿曜挹香饒有泮芹繁
構成爽塏延多士好把詩文仔細論

成安君祠

邑人朱履吉

將軍廟貌已摧殘石上銘文幾字看百里金湯誰是主

英魂千古屬成安

聯輝書院

邑人馬鵬雲

揮聯廣郡接清風育秀培栽一道同惟賴我侯三載化
頓教諸子六經通光華漸啓宮墻外雨露深添泮沼中
志樂旂飛于邁候欣然大小亦從公

鳳凰臺

邑人趙燕成

臺畔高低點翠微滿天雲繭總依依夢回昔日仙何在
言到今朝鳳已飛淡竹風迴疎葉冷彫桐月過幾枝肥
空留佳話傳千古莫換朝陽一羽衣

成安縣志

卷之二

藝文

三十二

王成
續修

說法臺重修

邑人于元龍

說法臺荒不記年每逢勝日想從前何期衰草羊牛地
頓改寒原牧豎天傑閣崢嶸空有色神光普照法無邊
問誰修建緣何事一片婆心萬載傳

二

層樓叠構久成灰今日重新何壯哉豈好浮圖修古刹
爲昌文教起南臺談經有借霞光滿慧眼無邊覺路開

何必人人有仙骨春風次第殼凡胎

聯暉書院

前名

茂草新芟翊若何 賢侯雅欲作菁莪嫌隣蓮舍春風
少移傍宮墻化雨多大扣洪鐘驚蝶夢深挑泮水躍魚
梭他年桃李馨香遠盡是秋梁門下過

二

大昕鐘鼓作羣才教挹清輝細細裁漫慮沉香丹桂冷
佇看春暖碧桃開八門得近尼山室到岸如登沫水隈
萊竹猗猗君子至啣魚鶴雀自東來

成安縣志

卷之二

藝文

三十三

壬戌續修

圓照寺石佛

前名

何年佛子駕東巡獨箇形留漳水濱圓寂同堂泥塑老
漂流耦伴木雕人科頭戴月雲爲蓋盤膝披風草作茵
欲識如來真面目靈山缺處是前身

二

前生雖未入空門曾向靈山培性根石化形餘孤影在
蓮披蕊結半身存雲衣露濕蒼苔冷螺髻塵封燕尾痕

念定那知貧到骨經年風雨坐黃昏

于節婦贊

教諭宋鳳翼

賢媛有志苦節堪傷盟心不失大義從一迥軼尋常方
其離鸞別鶴欲截髮以相狗倏爾魂返神歸輒撫孤而
苟活痛惜幼子姑稱未亡畫荻心苦母教恩長爰媿配
以成人宗祧克繼頽靡他而誓死故志復盟吁嗟兮烈
婦血淚成行凄愴兮一縊碎裂肝腸遠邁他人之守節
兮曲全夫命方信隨於黃泉至今凜凜兮從容就義吾
成安縣志

卷之二

藝文

三十四

壬戌 續修

事畢矣之一言

潘興邦廬墓贊

邑人田允升

傳聞潘氏孝行異常陶於窮巷色養高堂偶赴筵席食
不先嘗歸遺父母恍同陸卽歿無以葬卽用瓦缸自爲
誌碣佳城輝煌不忍死親以廬於旁 邑侯見賞錫扁
旌揚莫爲之後湮沒不詳鄰里遺老畧記耿光可以型
俗可以流芳百行之原忍令弗彰

旌表陳節婦輓歌

磁州張 鑰

細女類之嬋媛兮仰勁節之高懸慕太邱之英俊兮
晉妹之淑媚苟余情其信芳兮持真操而倍堅胡彼蒼
之不佑兮竟遠歸於九泉痛遭逢之不偶兮藉碑以延
綿邀 睿鑑以揚休兮壹德緣之而流傳維風化於不
墜兮列清淑於牛眠嗟佳城之鬱鬱兮標母儀於石鐫
想四德之俱優兮佇青鳥之踰隨看桂蘭之馥郁兮願
子孝而孫賢惟俚言之載賡兮表哀哀於長笈幽靈其
有知兮尙來格之翩翩

成安縣志

卷之二

藝文

卅五

王成
續修

贊石俱篤行歌

邑人馬鵬雲

我聞良菴行愾慕自總角仿古耻淵雲立心追伊洛孝
行鄉黨稱友於敦華葦讀書不爲名壹志修天爵 院
憲送保陽學冠蓮花博設帳官豪家先覺覺後覺紅拂
夜來奔波衣正色作驅之弗肯違廉耻苦相說天明辭
館歸全不露齒頰清操空古今正氣動山嶽功名雖未
歲六經以爲樂足不履市塵身常範規度年過七旬餘
甘心終淡山真學有真傳淵源爲可托賢哉石氏公

于烈婦歌

邑人馬鵬雲

世人二三可奈何全憑正氣挽頽波漳干郭氏于家母
烈烈貞心永不朽死生之際非等閑閨淑偏能破此關
年當二九命遭舛誓死從夫百不轉俄而死者死復蘇
同言淚落勸撫孤氏承夫志憂如結盼兒亟就成人列
到得孤兒長成人別夫已經十五春撫孤之事已畢矣
九泉可以見夫子夜半自死家人驚異香滿室頽如生

成安縣志

卷之二 藝文

共

王成
續修

君不見生時恩愛期白首夫死旋操他人帚又不見夫
死矢志欲相隨撫孤成立死何爲氏心匪席不可卷氏
心匪石不可轉兩間烈氣氏能存卓哉巾幗光于門

廉節婦歌

邑人馬鵬雲

乾坤綱維貞節補缺慷慨捐軀天人動魄郝氏之女受
廉襦結夫居邑庠倡隨相悅不弔昊天夫病永訣矢志
相從心堅如鐵笑慰翁姑暗淚成血歸寧父母還安遺
奉親有人何妨一別烈氣已伸凜凜不滅我識婦心

事代爲白無煩天悲無煩神惜身死心安義完巾櫛
馬節婦歌
邑人于元龍

坤維同載李流丹守節還比死節難夫死捐軀心已盡
未亡人在事多端相彼同邑張家女十七歲操馬氏帚
河洲既賦琴瑟調倡和追隨期自首何知長卿一病亡
撒下相鸞空斷腸几翻欲隨夫子死晨昏誰與奉姑嫜
高堂白髮悲日暮膝下孤兒僅五度又無伯叔兄翁親
一門老弱將誰付定省溫清婦也兒延師課讀母作父

咸安縣志

卷之二

藝文

三十七

壬戌
續修

仰事俯育少寬閨中有紡織嚴門戶翁姑相繼赴黃梁
可向夫君話短長又值童孫失所恃殷勤顧復日徬徨
嗟嗟夫死甘辛苦貞魂後世誦院憲邑侯揚清風彤管
傳千古

先後修建署倉廩獄祠廟總畧

查本邑公署自前至後共八進前為大門上有譙樓計三間進內數十步東首為收糧廳僅存基址又東為

關帝廟正殿三間抱厦三間過廳三間又東為

蕭曹廟三間過廳三間其南有戲臺一座戲臺之東有戲房二間廟之北為快班房內朝南正房四間朝西廂屋二間大門內西首為監獄外周圍牆一道其內朝南正房三間東西廂各三間居中

獄神祠一小間監獄圍牆北迤西為快班房朝東正房一間朝南廂屋三間二進儀門三間東首科房九間西首科房九間又儀門西朝北科房三間大堂西朝南科房二間中間左右皂隸房各三間三進大堂三間其旁東有庫樓一座又東南更房二間大堂西山貼附承發房三間大堂後左右門皂房各三間四進宅門一間左右門房各三間五進二堂五間其後左右廂屋各二間東廂屋之東另接朝南房二間兩廂屋之後中隔蔬園

六進內宅門一間左右廂屋各二間七進三堂五間又
耳房兩間西耳房後開便門其後短垣及肩由牆缺而
出即荒圃其西直通馬號荒圃之北即八進後樓五間
對正房偏東北約二丈餘左右土房各三間其後雖有
短垣高不及一二尺與臨街無異正屋之東宅門內東
門房之後另有廂屋三間有南北牆一道其後為廚房
計土房六間朝北茶房一間其後二堂之東朝南東客
廳三間其後帳房廂屋四間又北朝南正房四間即帳
房宅門內西門房迤南朝北客廳三間二堂之西朝南
西客廳三間其西廂屋二間其空缺之處周以短垣其
後朝北書房六間又北朝南書房四間又北朝南書房
五間率皆欹斜頽敗上草下潮岌岌欲圮不可以一日
居不得已於三年二月間余乘眷口未至將三堂正廂
各房全行拆卸命洞開重門朝南直視自七進三堂牽
頭進大門前進東偏之柱皆直冲後進之中由內達外
無不昏然急不解其何故復以羅經格之乃知本係癸

丁之地強作子午之向無怪其前後錯出不可繩引也
爰思所以避之三堂拆卸後自荒圃至二堂無所隔闕
於八進後樓之中對至五進二堂之後以繩牽之適可
立癸丁向則知從前後樓至二堂後或即此向耳於是
挪欵購料擇日鳩工量得自二堂後之蔬圃至三堂相
隔八丈許地勢進深特長其氣散而不聚乃擬於中間
間添構一進將三堂改為四堂三堂基地退後二丈展
寬丈餘并移而偏東正坐後樓適足避向前東楹對冲

三

之欒耳房左右各添小屋一間東厨西厠以補西偏之
缺其前另建東西廂屋各三間又前即三堂後蔬圃之
地加土填高添蓋倒坐正房五間周圍繞以圍廊倒坐
正房之後南牆緊靠二堂後東廂之北山牆其前西廂
屋寬窄不稱拆而移之於兩廂南山接出東西圍牆中
建內宅門一座於三堂四堂及廂屋之四隅各砌磚牆
一道計拆蓋正廂房十四間添建止廂房九間圍牆四
道廊十六架至五月中旬告竣時值炎夏暫爾歇工

月間即有檄調赴永定河挑挖引河差事公出九秋門署因是年夏秋之交陰雨連日署前後無處不漏日見崩塌內而親友家丁幾無容膝之地外而各房案卷無可架擱之處因將公署急須修建情形面稟

府憲一面開工一面於是年十月十五日具詳蒙批委永年覆勘會詳批准立案報明十一月二十八日開工將二堂西邊客廳後之朝北書房六間朝南書房四間拆去於朝南四間書房基地另建書房五間又於最北

四

朝南書房之西添茅房一間其前添西廂土房二間新蓋五間書房前偏西添土房二間其前隔以土牆土牆之東緊挨內宅門西廂屋後牆添建朝南客房一間與東邊二間配牆南偏西添土房二間又因東客廳後之帳房四間廂屋四間勢將倒塌一律拆蓋帳房廂屋之南砌磚圍牆一道牆之東南添建朝西土房二間以為管廚家丁住房并於帳房後空地四堂之東添建正房三間東廂土房二間計拆蓋正房十八間添建正廂房

十一間磚圍牆一道天寒停工是冬西客廳與下房先後傾圮四年二月又復購料鳩工將西客廳重建前後各添一架較前進深矣并將西邊舊有下房二間拆卸總建下房八間俾隨從人等有棲息之所并以補西面之缺南北客廳之中砌東西照壁一道計折蓋正廂房五間添建廂屋六間照壁一道復擬涓吉修理二堂及科房大門諸工六月中又奉憲委赴楚接運鉛觔公出五年七月差竣回任是年六月間繆署任任內有賊犯

朱三吳士德越獄之事緣獄中湫隘低潮牆卑屋矮東西北三面囚房各三間尠舊黑暗復有

獄神小廟一間居中障蔽囚之所作不能一覽而知故也當於八月二十九日具詳

藩憲動欸修建八月中先將二堂五間拆卸基地移而偏東前後各添一架又將兩旁門房各三間拆卸將基地往東西展開各添廊一架宅門一座移正兩旁各添披一架頭門外照牆一道甚卑矮亦增高展寬并於二

堂前後兩旁各砌磚牆一道十月杪一律完竣計拆蓋正廂房十二間照壁一道添披二架廊十一架磚牆六道是年冬底於司庫領回修監工料銀兩即於六年正月廿九日開工查原估

獄神廟并因房十間因從前屋式難以稽察獄囚于是將

獄神廟移而靠北添建三間俾家人書吏兩邊可以值宿東西兩廂各建六間三月初二日工竣計拆蓋十間

六

添建五間并将外牆增高足以防奸矣又將大堂外東西兩首科房全行拆卸展寬基地每邊各建十三間大堂兩旁各砌新磚牆一道又將儀門外西首快班房六間拆卸正房三間退西五尺廂屋三間改為朝北周築土牆朝東添門樓一間計拆蓋正廂房二十九間添建四間磚牆兩道正擬拆修頭門五月中猝被水患將常義倉廩全行冲塌公署牆垣幸係新築亦間有冲刷塌陷之處惟署西馬號地勢低窪廟宇房屋悉被冲倒義

倉向係民捐於七月二十一日稟報照向規辦理常平倉廩房較多工繁費鉅七月二十六日將急須重建情形具詳

藩憲其時正因西陲不靖大小工程概行停止因此工係刻不可緩歲暮進省面稟

藩憲允於司庫籌款借銀二千兩分作十年無分正署按日攤廩歸款義倉勸諭民捐均未能即時動工七年正月先將頭門譙樓上下三間重建又東門房後本有

七

內門房三間與宅門外東門皂房三間勢就傾圮亦即拆蓋并於內門房南山下另建小披二間仍築南北牆一道又移茶爐於牆之北建披二間二堂東首客廳三間兩山墊折勢欲西傾將四面牆垣拆卸重砌其前三面添磚照壁一道廚房不專用於南首添建土房二間計拆造門樓平房十二間添建土房二間披四間照壁一道公署原估應修九十間自三年十一月二十八日詳報開工以後至七年春間已先後拆蓋添建正廂房

一百二十二間其餘應修應添者尚多新舊相形愈無所藏拙故也若概俟工竣後詳報恐上憲及後任疑及取巧故先於七年二月二十日詳報工竣常義二倉原建地基本在最窪之區遭水後悉已倒塌勘得舊倉基迤東有

八蜡廟一座地勢高阜將廟移建可以總建常平倉一座義倉一座當於是年正月先將

八蜡廟三間移建於

城隍廟東首并在

八蜡廟西首移建

劉將軍廟三間各添頭門一座計移建廟宇連大門共八間所需工料均係捐廉辦理而義倉原建廠房本止十七間不專貯穀酌添十九間共三十六間係於民福辦於是年二月二十一日開工四月二十八日工竣修理常平倉工料銀兩於閏五月間領回即於六月初五日開工至八年正月二十日工竣共計廠房七十一間

所有倉基半係填高磚牆之在地平下者各五尺餘灌以灰漿每間各以新磚鋪滿以隔潮城蓋有鑑於六年五月之事故也統共建常義兩倉共一百零七間又大門內東首舊有收糧房基地五間久經坍塌致該收書等各於本房收納糧銀花戶無所歸向二月間即於舊址捐貲重建收糧房之南尙有餘地著兩壯班即其餘地添建朝南正房三間東廂屋二間西首快班房之北捐蓋轎夫房五間轎夫房之北築土牆又折而向東朝

南留門為車馬出入之地又大堂外東庫樓之東拆蓋更房二間大堂西上首又將承發房三間移而偏西其西附朝北內茅房一間除壯班房五間該二班預支工食自行添蓋不算外共拆造正廂房五間添蓋正廂房十一間土牆一道又署後樓房五間因係不急之工不在估修之數嗣於五年春間坍塌雖內署無所用之然高峙於後與坐山等且三面圍牆俱圮於水中直通後街亦無以別內外又署西馬號地勢窪下水後全坍塌前

借東關客寓暫用往來文報諸有未便本年五月十二日一併擗節確估詳請

府憲墊款興造蒙批委磁州覆勘會詳批准立案當即購料鳩工於六月十六日開工先將馬號基地培高上蓋

馬王廟三間官廳三間抄書馬夫房四間馬棚五間頭門一座并圍牆照詳建造外添建貯草土房四間放車土棚二間內槽馬棚二間車夫房一間共重建馬號土

十

瓦各房二十五間照原詳間數計添蓋瓦間復將後樓五間牆脚并兩首土房拆去另建新樓上下各五間兩首八字廂屋各三間偏西蓋更夫土房二間後門一座三面砌圍牆一道計長四十四丈五尺照原詳間數計添土房二間統計公署舊有正廂屋一百六十三間道光三年十月詳請估修正廂房九十間八年五月詳請修建後樓正廂屋十間茲前後添建四十五間其兩班新蓋壯班房五間在外又拆蓋一百零六間其粘補將

就者五十七間而已大門內東首之

關帝廟三間抱厦三間過廳三間過廳東

蕭曹廟前之過廳三間與廟前之戲臺亦均欲徙
諭令各房捐費修葺於六月杪開工七月竣事其馬號
後樓各工統於十月內一律報竣公署內外未經拆造
者僅四十五間早已修各房間以新磚鋪地者十之七
其餘頂榻葦蓆分間板片屏門榻扇細窓欄杆名件太
多未便殫屑備載至易一櫺砌一牆所費無多者更無

論矣馬號雖在署外與估建後樓合詳其工價應附修
建公署統算二次詳定作銀一千五百兩自完工之日
起分作十年無論正署撥日攤捐歸款其不專者自認
捐辦

文昌廟本在學宮之東水後將圮

奎閣本在城上東南隅早已坍塌擇得署東舊察院基
地可以移建即於適中之地移建

文昌正殿三間復添建後殿三間大門三間二面圍牆各

一道顏曰

文昌宮遇元旦長至

萬壽節於此行慶賀禮亦庶以昭誠敬矣城上

奎閣傾圮後有勸民人郭凌辰所捐磚瓦木料即於廟前蓋

奎閣一座成邑地常苦旱又於常平倉西蓋

龍王廟三間抱厦三間大門一座計新建祠廟十六間奎閣一座圍牆兩道又於署之兩旁後院及倉前馬蹄

十二

種椿槐榆柳樹共百十餘株大者高二丈餘現皆青葱鬱茂蓋此點綴亦不可少也前後經辦各工磚瓦木料土木工匠至多且久其梁柱檁椽可以數計者購以平價其並非常有應行添配者則飭各牙代辦照例給值總計平價十之八例價十之二而已磚瓦坯土半給平價半給例價蓋向有舊章不欲遽廢也至土木工匠論間給價者十之八計工授值者十之二多寡不同也監獄請款拆造所領例價樽卽專用衙署馬號等詳辦錄

一千五百兩常平倉填基移建借廉銀二千兩不敷實
多幸興作非在同時又余親為料量身自督率故得陸續
續撰掃後先竣事自信工堅料實數十年中無煩修葺
其

八蜡廟

將軍廟

文昌宮

奎閣則余所捐建者

十三

龍神祠則動閒欵成之余到成七年總計修理公署倉
廩監獄馬蹄及各廟宇共三百二十二間其間雖云拆
造實同新建者十居其八四五年來與工匠等度長絜
短舌敝脣焦工無大小必期足以經久而後已惟余不
巧詐以肥橐腹削以病民上下相孚落成斯速應辦各
工均已先後告竣後來者可以安享其成土木工匠等
此數十年中亦可相安無事當亦知余為此地計一勞
永逸之心乎

大清道光八年歲次戊子十月

知處安縣事浙江山陰趙庭椿記

成安縣改建常平義倉記

州縣之有常平義倉同也監守出納以時葺治無不同不善守之名同而異其實者有矣是視乎其人也苟有其實雖變通焉可也無其實雖守成法久且隳焉况不能守耶成安縣常平倉義倉在城西北隅庠下窪溼道光六年五月雨淫沓溢野水注城壞廩摧垣水深尋丈積貯萬餘石漂沒僅有存者其邑侯趙君庭椿以循廉稱有年矣恃其信乎民而因以獲乎上夙夜殫劬求復其所於常平倉則請借帑銀二千兩又勸輸士民以復義倉皆循舊例也故址既濬且鑿於前之被患乃移

八蜡廟

劉猛將軍祠於他所而改建於其地爽塏宏敞土木堅韌工毋苟焉凡常平倉廩七十一間義倉廩十七間漆建十九間為三十六間閱一年而竣其漂沒餘穀去朽易新補所不足積貯如數無有所絀君固勞且瘁矣災不為害民不知病所謂善守而有其實者顧不在人耶

予嘗求古人於常平義倉用意立法之美常平自漢孝
宣義倉自隋開皇歷唐宋以迄於今常平主和糴減糶
領於有司宜矣義倉則民之自為儲峙委積以待凶荒
者也有司領之誠不能無胥吏侵耗假借之弊然苟得
古人為民之深而察乎其俗因乎其時審乎其地固未
嘗不可以變通亦鄭至於無失立法之本而已此固在
人者也先是直隸總督方宮保公作義倉圖州縣各於
其鄉置倉捐貯以備賑卹數十年因之寢久稍廢今制

府郡公方伯屠公督勸修復咸仍舊貫而君以其倉廩
之在鄉者胥歸於城非欲自異乎抑眎其俗與地而亦
有說乎大名廣平郡縣與河南山東壤交錯攘竊所時
有而子弟年少者因貧為慄悍父老約束難歲稍被所
為輒不可知捐積者今置於各里社為升斗斛少而成
橫取而暴散之不可謂私憂過計矣且宮保所為義倉
圖計里為方方各著其村市與設倉之所凡徑路之縱
橫城邑之遠近山川水澤險阻之形勢四至八到交錯

移建常平義倉記

本邑之有常平倉舊矣雍正元年經前任王公文外建
修迄今已逾百年余於道光二年冬莅此查有廩十六
座房八十四間其間坍塌者半餘皆欹邪傾側岌岌欲
圮每逢陰雨傳匠補漏竟無已時蓋地本鹹鹼而又在
城北最窪之處莅此者又以其非所時至失於修葺而
倉貯間或因之震變增折耗焉余丞擬詳修而公署之
頹敗更甚於此又不得不先其所切近者且工繁費鉅
畏難而苟安者亦有之矧余三年之秋派挑永定引河
四年之夏又委接運楚鉛至五年七月初回任水陸奔
馳心力交瘁更不敢遽議興作僅先後葺治俾免傾頹
而已六年五月十三日驟雨如注四野渥霑是時久旱
之後方以為慶次日黎明突有瀝水自西南來乘城而
入勢若建瓴當率丁役民夫分頭搶護甫將水頭頂逼
入壕而大溜直趨城東北隅之小東門頃刻連城墻冲
塌五丈有餘水勢洶湧人力難施倉廩在城北正其頂

冲登時塌陷并將迤西嘉慶二十年前任花公濂珮勅諭衿民捐建義倉十二間一併傾圮本邑城形如釜受水最深之處測得一丈二尺有奇登高下望民房均在巨浸之中墻垣壁塌之聲至數晝夜不絕而常平倉貯穀一萬餘石義倉貯穀五千餘石皆沒於水急雇集民夫將倉貯乾溼各穀設法盤搶乾者暫借高房分貯濕者暫搬城外曝晾又預賃空場菜園露囤一面督率城闕衿民將城內積水捐貲車戽往來烈日泥淖之中者

二

幾及兩月寢食為之俱廢幸四鄉水退之後即得播種而穀價翔貴農民艱食余請於上官將受潮穀四千五百餘石出借以甦民困奉批准行四鄉得此接濟由漸紓是秋收成豐稔即將受潮變價及賑缺穀石垂時買補足額并将出借穀石征還因思借貯民房菜園露囤均非久計必須將倉廩擇地建造以資收貯勘得舊倉基迤東有

八蜡廟一座地處寬濶旁有餘地稍為高爽當將急須

民請命分查四鄉幸不波及心感

神既而未言也六年五月十三日城中猝遭水患神祠宛在水中觸目難安急無設法是秋禾苗甚茂而隣近蝗孽復滋延及邊鄙余又赴祠亟禱旋即撲滅幸不為災於是亟求爽塏高阜之地擬將

八蜡神

劉將軍分建兩祠冀以酬靈貺也嗣於

城隍廟東相得仰功祠舊址上已一無所有惟隆碑欲

六

圮耳度得基寬七丈餘可以並建六楹即於七年二月間填基移建周以牆垣并各設大門一合俾農民報賽各有專祠兩而化仍一而神也又成邑地處高阜沙地居七余莅任六載無歲不禱夏秋之間每值旱暵則寢食俱廢七年季夏旱既太甚禾苗將枯潔齋旬日憂心如焚於無可思議之時念及城中素無

龍神之祠試籲天默禱若得甘澤願建新祠秋初沛然霑足乃亦有秋感應之理亦甚速矣八年二月即於大

倉之西相基構造興工上梁之日皆得雨澤及謂言
五月二十二日辰時開光先一日大雨如注四野霑足
鄰境之被澤者廣而且遠一月之中連得透雨三次中
間小雨無隔五日者農民相慶僉云得未曾有
神之德洋恩溥為何如耶

文

昌祠三楹舊在學宮之東逼近城垣湫隘隱僻且遭水
時淹沒巨浸中者半載基地東折將就傾頽

奎樓本在城上東南隅早經塌卸在城士庶無議及興

七

築者擬官為倡捐恐心力不齊徒曠時日此為合邑文
風所繫余義無可諉相得署東有舊察院基址一區已
成廢地南面臨街三面環水地勢空靈高敞據城東之
勝於是庀材鳩工將

文

昌祠移建於上復添建後殿三楹大門三楹周以牆垣
奕壇高朗巍乎煥乎當為神之所憑依矣復於距大明
前十丈之地朝北建

奎閣一座計高二丈七尺有奇聳峙於前庶幾傑構哉

折造移建者計間一百一十有八添建者四十有五粘
補者四十有五而已雖竭費敝神未嘗因此累及閭閻
清夜捫心庶亦無憾矣乎然余非能自操匠削自為聖
場也輦運畚鍤樸斲墜茨皆我民力成之六七年中歲
無休息或有謂余興作太煩者是未諒余為合邑計一
勞永逸之心也嗚呼余之心或將他日請念耳

大清道光

年歲次

知成安縣事浙江山陰趙庭椿



十一